

2021 წლის საგნის გამოცდის შეფასების სქემა
ქართულ ენასა და ლიტერატურაში, მათემატიკასა და ბუნებისმეტყველებაში
(I – IV კლასები) ვარ. 1

ქართული ენა და ლიტერატურა

1	ბ
2	ა

3.

ა	ბ	გ	დ	ე
6	2	5	3	4

* 1 ქულით ფასდება მხოლოდ ის პასუხი, რომელშიც ყველა აღნიშვნა სწორია.

4	მაქსიმალური ქულა: 6	
	შეცდომა	უნდა იყოს
	გადაკვეთ	გადაკვეთთ
	დაზადებია	დაჰზადებია
	რეპროდუქციას ძალიან უფრთხილდებოდა ცნობილი კოლექციონერი, რომლის ..	• იმ რეპროდუქციას რომლის • ...რეპროდუქციას, რომლის • ...რეპროდუქციას ძალიან უფრთხილდებოდა, რომლის
	• თითოეული შეცდომის გასწორება და შესაბამისი დასაბუთება ფასდება 2 ქულით; • მხოლოდ შეცდომის გასწორება, სათანადო დასაბუთების გარეშე, ფასდება 1 ქულით; • სწორად დაწერილი თითოეული სიტყვის მცდარი ფორმით შეცვლის შემთხვევაში შეფასებას აკლდება 1 ქულა.	

5	მაქსიმალური ქულა: 2
	2 ქულა: რთული წინადადება გადაკეთებულია მარტივ წინადადებად შინაარსის შეუცვლელად. დეტალურად, გრამატიკული ტერმინების გამოყენებითაა აღწერილი გარდაქმნის პროცესი. 1 ქულა: რთული წინადადება გადაკეთებულია მარტივ წინადადებად შინაარსის შეუცვლელად, მაგრამ გარდაქმნის პროცესის ახსნა არასწორია / არადამაჯერებელია / არადეტალურია / არ არის მოცემული

	0 ქულა: შესრულებულია ქვემოთ მოცემულთაგან ერთ-ერთი პირობა: ➤ რთული წინადადება არასწორად არის გადაკეთებული. გარდაქმნის პროცესის ახსნა არასწორია / არადამაჯერებელია / არადეტალურია; ➤ პასუხი არ არის მოცემული.
6.1	მაქსიმალური ქულა: 2 2 ქულა - სწორად არის ამოცნობილი შესაბამისი მხატვრული ხერხი - მეტაფორა, მეტაფორული ეპითეტი. წარმოდგენილია დამაჯერებელი, გამართული მსჯელობა - მეტაფორის განმარტება განხილულია კონკრეტული მხატვრული სახის მაგალითზე. 1 ქულა სწორად არის ამოცნობილი შესაბამისი მხატვრული ხერხი - მეტაფორა, მეტაფორული ეპითეტი, თუმცა მსჯელობა სქემატურია, არასრულია, შემოიფარგლება 2-3 სიტყვით. 0 ქულა შესრულებულია ქვემოთ მოცემულთაგან ერთ-ერთი პირობა: ➤ დასახელებულია მხოლოდ ტროპული მეტყველების ხერხი - მეტაფორა / მეტაფორული ეპითეტი; ➤ მოცემულია მხოლოდ მეტაფორის / მეტაფორული ეპითეტის ზოგადი განმარტება; ➤ პასუხი არ არის მოცემული.
6.2	მაქსიმალური ქულა: 2 2 ქულა: წარმოდგენილია სწორი, დამაჯერებელი, გამართული მსჯელობა; იდენტიფიცირებული და ახსნილია ზღაპრის იდეა და მწერლის მხატვრული ჩანაფიქრი - სუსტი, ერთი შეხედვით უღონო არსების მიერ საკუთარი თავის სხვათა სასიკეთოდ შეწირვის უნარი, თავის გაღება მშვენიერებისთვის და ა.შ. 1 ქულა: იდენტიფიცირებულია ზღაპრის იდეა, მწერლის მხატვრული ჩანაფიქრი - თუმცა წარმოდგენილი მსჯელობა ზედაპირული და სქემატურია, არ არის დამაჯერებელი დასაბუთება, აპლიკანტი შემოიფარგლება 2-3 სიტყვით. 0 ქულა: პასუხი არ არის ან მცდარადაა წარმოდგენილი.
6.3	მაქსიმალური ქულა: 2 2 ქულა: მოცემულია სწორი, დამაჯერებელი, გამართული მსჯელობა; იდენტიფიცირებული და ახსნილია სამყაროს თანამედროვე გამოწვევის - გლობალური დათბობის, კლიმატის ცვლილების - კონტექსტი, პასუხში მკაფიოდ იკითხება ავტორის მიერ შემოთავაზებული პოზიტიური ფინალის თანამედროვე ნეგატიური შინაარსით დატვირთვის, გადააზრების საკითხი. 1 ქულა: იდენტიფიცირებულია სამყაროს თანამედროვე გამოწვევის - გლობალური დათბობის, კლიმატის ცვლილების - კონტექსტი, თუმცა პასუხი სქემატურია, არ არის მოცემული დამაჯერებელი დასაბუთება, აპლიკანტი შემოიფარგლება 2-3 სიტყვით. 0 ქულა: შესრულებულია ქვემოთ მოცემულთაგან ერთ-ერთი პირობა: • ნებისმიერი მსჯელობა, რომელიც თანამედროვე გამოწვევების თვალთახედვით არ გადააზრებს ზღაპრის დასასრულს.

	• პასუხი არ არის მოცემული.
7.1	მაქსიმალური ქულა: 1 1 ქულა: მოცემულია დამაჯერებელი, გამართული მსჯელობა; სწორად არის ახსნილი ავტორის მიერ ლექსის დასათაურების საფუძველი - ეს არის საპროგრამო მიმართვა, ავტორის თაობის პოეტთა შემოქმედებითი პრინციპების დეკლარირება. პოეტური და, იმავდროულად, მოქალაქეობრივი პოზიციის გამოცხადება; ახალი შინაარსის მინიჭება პოეზიისთვის და მისთანანი. 0 ქულა ➤ პასუხი არასწორია ან არ არის მოცემული.
7.2	მაქსიმალური ქულა: 1 1 ქულა: წარმოდგენილია დამაჯერებელი, გამართული მსჯელობა; სწორად არის ახსნილი მეტაფორული გამოთქმის არსი - „თვალსაწიერის / ჰორიზონტის / სააზროვნო დიაპაზონის გაფართოება“; „რკინის ფარდის“ მიღმა გახედვა / თავისუფალი სამყაროს დანახვა, იზოლაციისთვის თავის დაღწევა. 0 ქულა: შესრულებულია ქვემოთ მოცემულთაგან ერთ-ერთი პირობა: • წარმოდგენილია პლაკატური, ლოზუნგის ტიპის ზოგადი ფრაზები - განათლებისკენ მოწოდება, ხალხის დახმარება, რეალობის დანახვა და მისთანანი. • პასუხი არ არის მოცემული.
7.3	მაქსიმალური ქულა: 2 2 ქულა ➤ პასუხში წარმოდგენილი მსჯელობა დავალების პირობაში მოცემულ ორივე კომპონენტს მიემართება – პოეტის ფუნქცია / ლექსის იდეის სათაურთან მიმართების საკითხი; მსჯელობა დამაჯერებელი და გამართულია. 1 ქულა ➤ პასუხში წარმოდგენილი მსჯელობა დავალების პირობაში მოცემულ ერთ კომპონენტს მიემართება, მსჯელობა დამაჯერებელია; ➤ პასუხში წარმოდგენილი მსჯელობა დავალების პირობაში მოცემულ ორივე კომპონენტს მიემართება, თუმცა სქემატურია და არ არის მოცემული დამაჯერებელი დასაბუთება. 0 ქულა ➤ მსჯელობა არაადეკვატურია - პასუხში არ იკითხება არც ერთი ზემოაღნიშნული კონტექსტი; ➤ ძალიან ზოგადად (1-2 სიტყვით) არის დასახელებული სათქმელი, არ არის წარმოდგენილი მსჯელობა; ➤ პასუხი არ არის მოცემული.

მათემატიკა

8	ბ
9	ა
10	დ
11	ა
12	ბ
13	დ
14	ბ
15	დ
16	ბ
17	ბ
18	ა

19	მაქსიმალური ქულა: 3 3 ქულა: დასაბუთებულია, რომ B-დან გამოსულ ტურისტს A-ში ჩასასვლელად დასჭირდა 45 წთ. 2 ქულა: გამოყენებულია ამოხსნის ადეკვატური გზა, მაგრამ სწორი პასუხი არ არის გაცემული ამოცანაში დასმულ შეკითხვაზე. 1 ქულა: ამოცანის ამოხსნა დაწყებულია ადეკვატური გზით, გადადგმულია მნიშვნელოვანი ნაბიჯი, თუმცა სათანადოდ არ არის გაგრძელებული. 0 ქულა: • სწორი პასუხი მოცემულია, თუმცა ყოველგვარი დასაბუთების გარეშე; • პასუხი არ არის სწორი; • პასუხი არ არის მოცემული.
20	მაქსიმალური ქულა: 4 მოსწავლის ნაწერში დაშვებულია სულ 5 შეცდომა: 1) I. დაშვებულია შეცდომა 14-ზე გაყოფისას. უნდა იყოს: $28028 : 14 = 2002$. II. დაშვებულია შეცდომა 17-ზე გაყოფისას. უნდა იყოს: $(340 \cdot 68) : 17 = (340 : 17) \cdot 68$ ან $(340 \cdot 68) : 17 = 340 \cdot (68 : 17)$. 3) დაშვებულია შეცდომა x-ის გამოსათვლელი გამოსახულების ჩაწერისას. უნდა იყოს: $x = 300 - (240 - 23)$ ან $x = 300 - 240 + 23$. 4) დაშვებულია შეცდომა 3-ის 26-ზე გამრავლებისას. უნდა იყოს: $3 \cdot 26 = 78$. 5) დაშვებულია შეცდომა 28-ის 2-ზე გამრავლებისას.

	უნდა იყოს: $28 \cdot 2 = 56$. აპლიკანტი მოსწავლის თითოეული შეცდომის აღმოჩენისა და შესწორებისათვის მიიღებს სამ-სამ „+“-ს. აპლიკანტმა შეიძლება მიიღოს მაქსიმუმ 15 „+“. შეფასება ხდება დაგროვებული „+“-ების საერთო რაოდენობის მიხედვით:	
	ჯამური ქულა:	შეფასება
	13-15	4 ქულა
	10-12	3 ქულა
	7-9	2 ქულა
	4-6	1 ქულა
	0-3	0 ქულა

შენიშვნა: თუ მოსწავლის სწორად შესრულებული ნაბიჯი ჩათვლილია არასწორად, „+“-ების რაოდენობა მცირდება ერთით.

ბუნებისმეტყველება

21	ბ
22	ბ
23	ბ
24	ა
25	დ
26	ა
27	ბ
28	ბ

29.*

ა	ბ	გ	დ	ე
2	6	4	1	5

* 1 ქულით ფასდება მხოლოდ ის პასუხი, რომელშიც ყველა აღნიშვნა სწორია.

30.1	მაქსიმალური ქულა: 1 1 ქულა: A. დელტა 0 ქულა: პასუხი არასწორია ან არ არის მოცემული
30.2	მაქსიმალური ქულა: 1

	1 ქულა: B. შენაკადი 0 ქულა: პასუხი არასწორია ან არ არის მოცემული
30.3	1 ქულა: C. სათავე 0 ქულა: პასუხი არასწორია ან არ არის მოცემული

აკადემიური უნარები

წაკითხული ტექსტის გააზრება

31	დ
32	ბ
33	ბ
34	ბ
35	ბ

ანალიტიკური წერა

36.

მაქსიმალური ქულა: 9 I. შინაარსის რელევანტურობა* <i>ნაშრომი შეესაბამება მოცემულ საკითხს და უპასუხებს დასმულ ამოცანებს.</i> 1 ქულა: შესრულებულია ქვემოთ მოცემულთაგან ერთ-ერთი პირობა: - ნაშრომი უპასუხებს დავალების მოთხოვნებს, არ შეეხება არარელევანტურ საკითხებს; - ნაშრომი უპასუხებს დავალების მოთხოვნებს, თუმცა მოცემულია არარელევანტური ინფორმაციაც. 0 ქულა: შესრულებულია ქვემოთ მოცემულთაგან ერთ-ერთი პირობა: - ნაშრომი არ უპასუხებს დავალების მოთხოვნებს; - ნაშრომი შეეხება სრულიად განსხვავებულ საკითხს; - ნაშრომი წარმოადგენს დავალების პერიფრაზს. <u>ნაშრომის მხოლოდ მცირე ნაწილი შეეხება მოცემულ თემას, მაგრამ არ უპასუხებს დავალების მოთხოვნებს.</u> <i>*თუ ნაშრომი პირველი კრიტერიუმის მიხედვით შეფასდება 0 ქულით, ის აღარ გასწორდება სხვა კრიტერიუმების მიხედვით.</i> II. დასაბუთება * <i>ნაშრომში ავტორის პოზიცია წარმოდგენილია შესაბამისი დასაბუთებით, მსჯელობა გამყარებულია დამაჯერებელი, ადეკვატური არგუმენტებითა და მაგალითებით.</i> 2 ქულა:
--

შესრულებულია ქვემოთ მოცემულთაგან ერთ-ერთი პირობა:

- მოცემულია დავალების ყველა მოთხოვნის შესაბამისი თანმიმდევრული მსჯელობა, ორიგინალური არგუმენტები თუ მაგალითები მოყვანილია მოსაზრებათა უმეტესობისათვის;
- მოცემულია დავალების მოთხოვნების შესაბამისი თანმიმდევრული, დამაჯერებელი მსჯელობა, არგუმენტითა თუ მაგალითით გამყარებულია ყველა მოსაზრება.

1 ქულა:

შესრულებულია ქვემოთ მოცემულთაგან ერთ-ერთი პირობა:

- მოცემულია დავალების მოთხოვნების შესაბამისი მსჯელობა, არგუმენტითა თუ მაგალითით გამყარებულია მოსაზრებათა ზოგიერთი ნაწილი.
- მოცემულია დავალების მოთხოვნების შესაბამისი მსჯელობის მცდელობა, თუმცა, არგუმენტები თუ მაგალითები ზედაპირული, ერთფეროვანი და არადამაჯერებელია;

0 ქულა:

შესრულებულია ქვემოთ მოცემულთაგან ერთ-ერთი პირობა:

- მოცემულია დავალების მოთხოვნების შესაბამისი მსჯელობის მცდელობა, არ ფიქსირდება არგუმენტები და მაგალითები.
- მსჯელობა არ არის ლოგიკური, თანმიმდევრული. მაგალითები თუ არგუმენტები არაადეკვატურია;
- მსჯელობა არ არის მოცემული.

** მსჯელობისას ფაქტობრივი შეცდომის დაშვების შემთხვევაში აპლიკანტს მეორე კომპონენტში დააკლდება 1 ქულა.*

III. თხრობის ორგანიზება

ნაშრომი სტრუქტურულად გამართულია, აზრები მწყობრად, თანმიმდევრულად არის გადმოცემული, თხზულების ნაწილები ერთმანეთთან ლოგიკურადაა დაკავშირებული.

2 ქულა:

- ტექსტი სტრუქტურულად გამართულია - ნაწერში წარმოდგენილია საკითხის დასმა, მსჯელობა, დასკვნა; აზრები მწყობრად არის გადმოცემული, მონაკვეთები ლოგიკურად უკავშირდება ერთმანეთს;

1 ქულა:

შესრულებულია ქვემოთ მოცემულთაგან ერთ-ერთი პირობა:

- წარმოდგენილია ტექსტის მხოლოდ ზოგიერთი სტრუქტურული ნაწილი;
- ერთმანეთს ლოგიკურად უკავშირდება ტექსტის მხოლოდ ზოგიერთი მონაკვეთი;
- წარმოდგენილი დასკვნა არ გამომდინარეობს მსჯელობიდან;
- ნაშრომში აბზაცები არ არის გამოყოფილი ან არაადეკვატურადაა გამოყოფილი.

0 ქულა:

შესრულებულია ქვემოთ მოცემულთაგან ერთ-ერთი პირობა:

- ნაწერის მხოლოდ მცირე მონაკვეთი ეთმობა მსჯელობას (რამდენიმე წინადადება, პატარა აბზაცი ა. შ.);
- მოსაზრებები, ტექსტის ნაწილები ერთმანეთთან ლოგიკურად არ არის დაკავშირებული;

- ნაწერში არ არის წარმოდგენილი სტრუქტურული ნაწილები - საკითხის დასმა, მსჯელობა, დასკვნა.

IV. სტილი, ლექსიკა

აზრები ცხადად, ნათლადაა გამოთქმული, ნაწერი ლექსიკურად მდიდარი და სტილურად გამართულია, ლექსიკა შეესაბამება დასმულ საკითხს.

2 ქულა:

- ნაშრომში გვხვდება ერთი-ორი უმნიშვნელო სტილური ხარვეზი, ტექსტი ლექსიკურად მდიდარია, აზრი მკაფიოდ და გამართულად არის გადმოცემული, გამოყენებულია საკითხის შესაფერისი ლექსიკა და სტილი.

1 ქულა:

შესრულებულია ქვემოთ მოცემულთაგან ერთ-ერთი პირობა:

- ნაშრომში გვხვდება რამდენიმე სტილური ხარვეზი. გამოყენებული ლექსიკა და სტილი ძირითადად შეეფერება საკითხს.
- ნაწერი ლექსიკურად მწირია, თუმცა, გამოყენებული ლექსიკა და სტილი ძირითადად შეეფერება საკითხს.

0 ქულა:

შესრულებულია ქვემოთ მოცემულთაგან ერთ-ერთი პირობა:

- ნაწერი ლექსიკურად ღარიბია;
- დაშვებულია სტილური ხარვეზები;
- ნაშრომში გარკვეული მონაკვეთი სტილურად გაუმართავია;
- გამოყენებულია არაადეკვატური ლექსიკა / სტილი.

V. სინტაქსი, მორფოლოგია, პუნქტუაცია

ნაწერი შესრულებულია თანამედროვე ქართული სალიტერატურო ენის ნორმების დაცვით.

2 ქულა:

- დაშვებულია ერთი-ორი უმნიშვნელო ორთოგრაფიულ-მორფოლოგიური და პუნქტუაციური შეცდომა, არ არის დაშვებული სინტაქსური შეცდომა, დაცულია თანამედროვე ქართული სალიტერატურო ენის ნორმები.

1 ქულა:

- დაშვებულია რამდენიმე სინტაქსური, ორთოგრაფიულ-მორფოლოგიური და პუნქტუაციური შეცდომა, ძირითადად დაცულია თანამედროვე ქართული სალიტერატურო ენის ნორმები.

0 ქულა:

- დაშვებულია სინტაქსური, ორთოგრაფიულ-მორფოლოგიური, პუნქტუაციური შეცდომები; ნაშრომში დარღვეულია თანამედროვე ქართული სალიტერატურო ენის ნორმები.
- ნაშრომში მრავლად გვხვდება პუნქტუაციური შეცდომები, რაც ცხადად მიუთითებს ენის სინტაქსური კონსტრუქციების არცოდნაზე.

ნაშრომი არ გასწორდება, თუ:

შესრულებულია ქვემოთ მოცემულთაგან ერთ-ერთი პირობა:

- შეიცავს ინფორმაციას, რომლის საშუალებით შესაძლებელია აპლიკანტის პიროვნების იდენტიფიცირება - სახელსა და გვარს (რეალურსა თუ გამოგონილს), მეტსახელს, ხელმოწერას და ა.შ.
- შესრულებულია ისეთი ხელწერით, როგორის წაკითხვაც შეუძლებელია.

ნაშრომი უნდა შეიცავდეს, სულ მცირე, 100 სიტყვას. სხვა შემთხვევაში ის გასწორდება მხოლოდ I და II კრიტერიუმების მიხედვით.

გაითვალისწინეთ!

- თუ სწორ პასუხთან ერთად აპლიკანტი არასწორ პასუხსაც მიუთითებს, შეფასდება 0 ქულით;
- თუ ქართული ენისა და ლიტერატურის ნაწილში დავალებებზე პასუხის გაცემისას დარღვეულია თანამედროვე ქართული სალიტერატურო ენის ნორმები, აპლიკანტს დავალების შეფასებისას დააკლდება 1 ქულა.